

# Танъгъчин агитатормудин совещанъ

Элст балгъсна „Родина“ кинотеатр танъгъчин агитатормудин совещанъ болъ. Совещанъ 200-гар агитатормуд танъгъчин колхозмудас, совхозмудас, предприятиясас, учрежденъясас цуглрцахав. Агитатормудин совещаниг, КПСС-н Халымг танъгъчин комитетин сеглăтр ұр Б. О. Джимбинов секв.

1957 джилд танъгъчин эдл-ахун бслтин дигин болн 1958 джилд мал ўвлзўллгъиг ўзмджтăгъяр кехин кергт агитатормудин куцах тѳрмудин тускар“ доклад КПСС-н Халымг танъгъчин комитетин негдгч сеглăтр ұр Н. И. Жезлов кев.

Ўр Жезлов эн джил тѳрскнўрн нўўлж ирцхăджăх халымгучиг тосдж буўрлўлхин, кѳдлмшт орулхин, бăăх гермўдър теткхин тускар танъгъчл зѳвър ик кѳдлмш куцагдв—гидж келв. Декабрин 1-шинд 35520 куўтă 9325 ѳркбул танъгъчур нўўдж ирв. Эдн дунд 15 минъгън кўн кѳдлмш кедж чадх улс бăаснъ, нургълдж кѳдлмшт орулгдв. Зуг селăнă эдл-ахун халхар 10912 кўн кѳдлдж йовна.

Танъгъчин селăнă эдл-ахун сăн шин кадрмуд ордж ирв. Хѳбчнр болдж 2190 халымг кѳдлдж йовна, эднăс ах хѳбчнр болдж йовхнъ 625 кўн. Малчнр, саалъчнр, трактористнр, комбайнер болдж кўсдундур минъгън даву кўн йовна. Тосхлтин кѳдлмшт минъгъ-гар халымгуд кѳдлжăцхăнă.

Иим олн улсиг ахр болзгин дотр бăăх герър теткх тѳргингн кѳдлмш болсн уга,—гидж докладчик заав. Болв ода тедн нургълдж коммуналън, ведомствсин болн эврн бийснъ бърдж авсн гермўлт орцахав. 500 шаху ѳркбул кўўнй герт пăтрт бăанă. Государств халымгуд бийснъ гер тосхлдж авхдн ик нѳкдăн кўргв. Гер бърдж авхд кесг джилин болзгар болн мал хулдж авхд 32 сай даву арслнъ мѳнъг ѳгв.

—Халымг танъгъчин промышленность 10 сарин зурагъан 107 процент куцав—гидж ұр Жезлов келв.—Болв загъсчнр ард улдж йовна. Декабрин 10-д загъс бърх зурагъан 87 процент, белдлгънă—76, белн продуки ѳгх зурагъан—61 процент куцав.

Кѳдлмш кедж чадх-чидх 15 минъгъ-шаху улс танъгъчур шинăс ирсн йовдл—эдл-ахун тосхлтд ик нѳкдăн кўргв. Буудă белдлгънă зурагъан Халымг танъгъч 109 процент куцав. Джилин эргид хѳбдин то 283 минъгън, укромудин—16 минъгън, гахасин—1805 ѳсв. Ўс государствд орулдж ѳглгънă зура давулдж куцагдв, махна зура кўцв. Ноос орулдж ѳгх зурагъан танъгъч болзгаснъ урд давулдж куцав, 85 минъгън хўрсх орулдж ѳгв.

Болв мал ѳсклгънă кѳдлмшт ик дуту-дунд бăанă. Хѳд, нег ўлу хургъд гару гарлгън зогсджахш. Эн учрар чигн хѳд ѳсклгъяр авсн даалгъвран танъгъч куцавсн уга. 100 нăднр хѳн болгънас 95-д хургън авгдв. колхозмудар болхла—90. Каспийск. Приозери, Черноземельск райодин болн

Элстин — колхозмуд, совхозмуд 100 нăднр хѳн болгънас зуг 84—92-д хургъ авб.

Малас гарлг эдл-уш ѳдăчигн хашнъгар ѳслж йовна. Укр болгънас 1033 литр усн саадж авгдв, ѳндглдт така болгънас 77 ѳндгн, хѳн болгънас 5 килограмм ноосн авгдв. Турун нўўрт йовх эдлахус болн ѳнц-ѳнц малчнрин кѳдлмшин дигинъ авад хăлăхлă, малас гарлг эдл-уушиг икдўлдж болх эв-аргъ сулар олзлгдлжăхнъ медглнă. Яшалтинск районд укр болгънас 1300 литр усн, Западн районд —1734 литр усн саадж авгдлж. Турунд йовх саалъчнр 2000 литр даву ус саадж авцахав. Иим дилвур куцаж болх аргъ талин райолт чигн бăасмн, болв терўг ѳлзлхд йоста килмдж тăвгдсн уга.

Ўр Жезлов докладтан агитатормудин кѳдлмшт бăăх дамшлтинъ илдж келв. Мана танъгъчд 200 даву агитпункт бўрдсн, терўнднъ 3000 шаху агитатор негдсн кѳдлджăнă. Эдн дунд 707 халымгуд, 1200 коммунистнр, 1000 комсомольчнр йовна. Эдн—нургълдж сургъулин багшнр, эмчнр, селăнă эдл-ахун специалистнр улс. Целинн района „Запалный“ совхозин, Западн района „Южный“ совхозин, Элстин Сталинă нертă колхозин агитколлективс сăанър кѳдлджăхинъ докладчик заадж келв.

—Агитационн кѳдлмш зърм газрт сул—гидж ұр Жезлов заав.—Яшкульск, Приозери, Юстинск райолт агитпунктсин тонъ багъ, ўзмджин цăалгъвур сул. Приютненск, Западн райодин агитатормуд дунд халымгуд ѳн. Сарпинск района 2-ч номертă совхозин агитколлективин кѳдлмшинъ ик сул, эклц парторганизацин сеглăтр ұр Гришко агитатормудиг гарлхш.

Цааранднъ ұр Жезлов РСФСР-н Министрмудин Советин 1957 джилин сентябрин 2-т, Халымг танъгъчд 1958 джилд эдл-ахун болн культури тосхлт кехадн нѳкд кўргхин тускар авсн токтавриг олнд цăалгълдж ѳгхин тускар агитатормудин ѳмм тодрха тѳрмуд тăвб.

Доклад тѳгсснă дируднъ агитатормуд кўўндвр кегъад, эврннъ кѳдлмштнъ бăăх дамшлтар сўв--селвг кепчăв.

Юстинск района „Раздольный“ совхозин агитатор ұр Сапрыкин: мана агитколлективин 19 агитатор фермин 22 хошд цăалгъврин кѳдлмш кенă—гидж келв.—Заргъ сунъгългъна цагт агитационн кѳдлмш делгў сăанър кедв. Агитатормуд Суғдинов, Улюмджиев, нанъ чигн улс таслвр угагъар кѳдлцхăнă. Эклц парторганизацин сеглăтр ұр Китаев агитатормудин кѳдлмшиг сулар гардна—гидж тер заав.

Элстин тосхлтин 2-ч управленă агитатор ұр Куцекон: мана багъчуд дунлас кесгнъ агитатор болдж кѳдлцхăнă, тосхачнр-агитатормуд Кекеев, Гаряев, Сафонов, Лиджиев—эдн кѳдлмшчнр дунд цăалгъ-

вр кесн леерн, бийснъ производственн даалгъвран 200 процент кўрглж куцагъад ўлгўр ўзулнă,—гидж келв.

Яшкульск района 108-ч номертă совхозин агитатор ұр Близниченко: агитатормуд малчнр дунд цăалгъвр кесн, хѳбчнр Убушаев, Кривошеев, нанъ чигн улс ѳдлн ик даалгъвр авцахав, 100 нăднр хѳн болгънас 120 хургъ, хѳн болгънас 6 килограмм ноос авх, мал ўвлзўллгъиг гару угагъар кех болсн, тедн уўган куцаджăцхăнă, сўл 4 сарин туршарт хѳннăсн нег чигн толгъа гару гарсн уга,—гидж келв.

Сарпинск района „Гигант“ колхозин агитатор ұр Кекеев, мана агитатормудин кѳдлджăх фермд 93 халымг ѳркбул нўўдж ирдж буўрлсн, ода шин селан болв,—гидж келв.—Шин 40 гер бърглв, 35 гер тосхгдджана. Агитатормуд олн дунд Декларат болн Манифест цăалгълж ѳгнă, пост бўрлăгъад, малин хотиг ѳрвър гаргъхиг хăлăдж-шўўнă.

Приозери района сургъулин багш ұр Ножкина, агитационн кѳдлмш бийнъ ягълж кедж дамшлтан келв. Сунъгъачнрт оч цăалгъвр кех болгъндан, урдасн бийн сăанър беллăт, теднд медглх толрха боллгар кўўндврн кенăв гидж эн сонъсхв. Долан хонгт нег даклж аллго сонъсачнртан ода наг тегъд тедн намаг мел кўлăлтăд бăалг болв, ода тедн намаг эврă таньл кўўнл тоолна.завлнъ-джиргълн цугтагъинъ келнă—гидж ұр Ножкина келв.

Каспийск района „Каспиец“ колхозин агитатор ұр Васильев, згъсчнр дунд агитатормуд ягълж кѳдлмш делгўлджин тускар келв. Почалк ѳнъгъц сѳгънл „Родина“ радиоприемник бăанă, газет, лектрмуд авч йовна билн. Кѳдлмштн ик дамшлтта загъсч агитатор ұр А. П. Бабичев наадк загъсчнрт ачнвллгъ ягълж кесн сн болхинъ данъгин келдж ѳгнă. Мана агитатормуд цăалгъврин кѳдлмш кегъад, сѳндѳрлăл делгўлăд, ик нѳкдăн кўргсн йовдл р. мана бригад джилй зурагъан 115 процент куцав—гидж ұр Васильев келв.

Ут-турштан 16 агитатор болслж ўг келв. Эдн цугтан сўулин цагт танъгъчар политическ цăалгъврин кѳдлмш ясрдж йовхинъ ўзулв. Эклц партийн организацин агитатормудин кѳдлмшиг гардлгъинъ ясрулхн гидж келцхăв. Агитатормудиг дара-даранднъ совещаниг кегъад, дамшлтин тускар кўўндвр кесн туста болх гидж заацхав.

Танъгъчин агитатормудин совещанъ танъгъчин цуг агитатормудур дуудвр авб.

Совещанă чилгъчърнъ КПСС-н танъгъчин комитетин мѳрă сн агитатор улст ѳгдв.

КПСС-н танъгъчин комитетин сеглăтр ұр Б. О. Джимбинов „Халымг келн-ăмтнă тууджин болн эдлджăх газр-усна тускар“ гисн лекц агитатормудт ўмшдж ѳгв.